

«ՅԱԿՏԻ» ԲՈՒՇԵՎԻԿՅԱՆ ԹԵՐԹՐ

ՍԻՂԱ ՆԱԶԱՐՅԱՆ

XIX դ. վերջին և XX դ. սկզբին Ռուսաստանի արդյունաբերական կենտրոններում ծայր առած բանվորական շարժման ալիքը յայնորեն տարածվեց նաև Անդրկովկասում: Այստեղ բանվորների տարերբային, անջատ-անջատ կուլիաներից հետո սկսվեցին հեղափոխական շարժումները: Դրանց ուղղություն տվողն ու ղեկավարողները մարքսիզմի գաղափարները յուրացրած այն մտավորականներն ու բանվորներն էին, որոնք իրենց հեղափոխական մկրտությունը ստացել էին Պետերբուրգի «Բանվոր դասակարգի պատագրություն պայքարի միություն» մեջ և սոցիալ-դեմոկրատական խմբակներում: Նրանց անմիջական նախաձեռնությամբ Անդրկովկասի բանվորաշատ քաղաքներում կազմակերպվում են մարքսիստական խմբակները: Երևանում 1904 թ. սոցիալ-դեմոկրատական խմբակների կազմակերպման ուղղությամբ մեծ աշխատանք է կատարում հեղ. փոխական գործիչ Գ. Սոկոլովսկին:

1905 թ. մայիսին Երևանում Ստ. Շահումյանի ղյխավորությամբ դումարված ՌՍԴԲԿ Երևանի կազմակերպության ժողովն ընտրում է ՌՍԴԲԿ Երևանի կազմակերպության քաղաքային կոմիտե, որի կազմի մեջ մտնում են Գ. Սոկոլովսկին (կոմիտեի նախագահ), Ա. Մալխասյանը, Կ. Ալավեղողյուր, Մ. Միրաքյանը (Շահմ), Վ. Բարձանսկին, Ա. Մուսվյանը, Վ. Նինուան, Լ. Տեր-Հովսեփյանը, Լ. Յաղուբյանը և ուրիշներ¹:

Հայտնի է, որ ռուսական առաջին բուրժուազեմոկրատական հեղափոխության պարտությունից հետո բուլշևիկները փոխում են իրենց դումայական տակտիկան: Նրանք որոշում են մասնակցել երկրորդ Պետական դումային և օգտագործել նրա ամբիոնը՝ հեղափոխական ագիտացիա մղելու, ինքնակալությանն ու հակահեղափոխական բուրժուազիային մերկացնելու նպատակներով: Նախընտրական կամպանիայի ժամանակ ՌՍԴԲԿ Երևանի կազմակերպությունը որոշում է բնզոնում երկրորդ Պետական դումայում իր ներկայացուցչի մասնակցությունն ապահովելու և Դուման կուսակցության քաղաքական ծրագրի պրոպագանդման համար օգտագործելու մասին: Երևանի նահանգից պատգամավոր է նախատեսվում Գ. Սոկոլովսկին: Սակայն պատգամավորների ընտրության համար հրավիրված յիաղորների ժողովի նախօրյակին նահանգական իշխանություններն անհիմն պատճառաբանությամբ ընտրական ցուցակներից հանել են տալիս Գ. Սոկոլովսկու անունը: «Այսպես կուրյոլային կերպով,— գրում է Գ. Սոկոլովսկին,— ավարտվեց մեր մասնակցությունը Պետական դումայի ընտրական հանձնաժողովին»²:

Երկրորդ Պետական դումայի ընտրությունների ժամանակ բուլշևիկների տակտիկայի պարզաբանման նպատակով ՌՍԴԲԿ Երևանի կազմակերպությունը որոշում է հրատարակել իր տպագիր օրգանը: «Հարցը միայն այն էր,— գրել է Գ. Սոկոլովսկին,— թե ի՞նչ լեզվով հրատարակել»³: Որոշվում է թերթը լույս բնծայել ռուսերեն՝ «Ֆակտի» անունով: Թերթն իր ղոյությունը պետք է պահպաներ կազմակերպության միջոցներով, որոնք կազմում էին ընդամենը

¹ Գ. Ք. Ղարիբջանյան, Լենինը և Անդրկովկասը (1905—1917), Երևան, 1973, էջ 59:

² «Հին բուլշևիկների շիջողություններ», գիրք առաջին, Երևան, 1956, էջ 107:

³ Նույն տեղում:

120 ո. անդամավճար: Քանի որ այդ գումարն ապահովում էր թերթի ծախսերի միայն 50% -ը, կազմակերպվում է հատուկ հանգանակություն և հավաքվում է մոտ 200 ո. գումար⁴:

1907 թ. փետրվարի 2-ին լույս է տեսնում «Ճակտիի» առաջին համարը, որն ուներ հետևյալ բաժինները՝ կյանքի և մամուլի հարցեր, մատենագիտություն, Կովկասի շուրջ, փաստեր, կենսագրական, արս:ասահմանում, ֆելիետոն: Թերթի պաշտոնական խմբագիր-հրատարակիչ է նշանակվում Վ. Բոգատիրյովը, բայց փաստական խմբագիրն ու գաղափարական ուղղություն տվողը Գ. Սոկոլովսկին էր: Նա իր գրած առաջնորդողներն ու հոդվածները ստորագրում էր Յուրի Մոլոտով ծածկանունով: «Ճակտիին» աշխատակցում էին Գ. Դաբաշյանը, Ա. Չխենկելին, Ն. Մագնեյշտեյնը, Վ. Նիևուան, է. Սուլթանովը, Կ. Ալավերդյովը և ուրիշներ:

Ինչպես արդեն նշվեց, «Ճակտիի» թերթի հիմնական նպատակը երկրորդ Պետական դումայի նախապատրաստման օրերին բոլշևիկների տակախակցի պարզաբանումն էր: «Մեր «Ճակտին», — գրել է Գ. Սոկոլովսկին, — իր առջև խնդիր էր դրել՝ ժամանակին արձագանքել երկրի և մեր նահանգի ընթացիկ կյանքի մոմենտներին, իսկ ընթացիկ կյանքը այն ժամանակ հագեցած էր սպասումներով, թե երկրորդ Պետական դումային կհաջողվի՞ մոբիլիզացնել երկրի ակտիվ ուժերը՝ ցարիզմի հետ վերջնական դուռնարտի բռնվելու, քանի որ 1905 թ. հեղափոխության ճնշումը դիտվում ու գնահատվում էր որպես կառավարության պտերոսյան հաղթանակ...»

Ուսկայն պետք է ընդունել, որ այն ժամանակ լեզայ թերթը փաստորեն զրկված էր, այսպես կոչված, ներկուսակցական տարածայնություններն ամենայն մանրամասնությամբ լուսաբանելու հնարավորություններից, տարածայնություններ, որոնք բացարձիկ սրությամբ ծառայած էին կուսակցության յուրաքանչյուր անդամի առջև⁵:

«Ճակտին» պրոպագանդում էր հեղափոխական պայքարի գաղափարները, կոչ անելով հեղափոխության գործը հասցնել հաղթական ավարտի: Թերթը գտնում էր, որ երկու տարվա հեղափոխությունը շանցավ ապարդյուն և այն համոզմունքն էր հայտնում, որ, չնայած հեղափոխության պարտությունը, դասակարգային պայքարում, միևնույնն է, հաղթելու են ժողովրդական լայն մասսաները⁶:

Թերթի էջերում բողոք է հայտնվում երկրորդ Պետական դումայի պատգամավորության թեկնածու Շախտախտինսկու դեմ, որն առաջադրվել էր նախիջևանի խանների կողմից: «Ճակտին» իրավացիորեն գտնում էր, որ պրոլետարիատն իր քաղաքական մակարդակով այնքան բարձր է, որ կարող է ժողովրդի շահերը պաշտպանող թեկնածուներ առաջադրել իր միջից: Բացի այդ, այն իրավացիորեն նշում էր, որ բուրժուական գործիչները ոչինչ չեն կարող տալ ժողովրդին: «Կազմակերպված պրոլետարիատը, — գրում էր թերթը, — վաղուց արդեն գիտի ժողովրդական ազատության բուրժուական պաշտպանների ձշմարիտ գինը»⁷: «Չէ՛նք ցանկանում բեկերին ու խաներին, — հայտարարում էր թերթը, — որոնք մեզ կողոպտում ու մեր կաշին քերթում են»⁸:

«Ճակտին» նշում էր, որ դումայական ընտրությունների նախօրյակին յուրաքանչյուր կուսակցություն ցույց տվեց իր իսկական դեմքը, և որ բանվոր դասակարգի շահերը պաշտպանող միակ կուսակցությունը սոցիալ-դեմոկրատական է: Թերթում փաստեր խորագրի տակ լուրեր էին տպագրվում երկրորդ Պետական դումայի ընտրությունների վերաբերյալ: Կենտրոնական հարց դարձնելով Դումայի ընտրությունները, այն միաժամանակ բացահայտում էր բուր-

4 Նույն տեղում:

5 Նույն տեղում:

6 «Факты», 18.11.1907.

7 Նույն տեղում:

8 Նույն տեղում:

ժուական ղեմովրատիայի իրական ղեմքը: Ընթերցողներին ծանոթացնելով 1907 թ. փետրվարի 6-ին Մոսկվայում քաղաքային դումայի ընտրությունների ժամանակ բանվորների ու կաղետների միջև տեղի ունեցած վեճին, «Ֆակտին» անդրադառնում էր բանվորների արտահայտած բողոքին: «Այժմ ձեզ առիթ է ներկայանում,— ղիմում էին բանվորները կաղետներին,— բացահայտելու ձեր հակառակ երևան այնպես պարզ, որ կտեսնեն ձեզ և վերջին կույրերը, կհասկանան ձեզ և բոլոր գյուղահայտ ու երկչուտ հոգիները, որոնք հրապուրված սահարյուրակային վտանգի մասին ասված ձեր երեսպաշտ ու կեղծ կոչերով, ձայն տվեցին ձեզ... Դուք պայքարում էիք ոչ թե սևերի, այլ կարմիր պրոլետարիատի դեմ»⁹: Մերկացնելով կաղետների կազմալուծիչ քաղաքականությունը և ցույց տալով նրանց դասակարգային էությունը, թերթը դանում էր, որ կաղետներն սլեխ հիմք չունեն պնդելու, թե իրենք արտահայտում են ժողովրդի ձրգտությունները, նրանք իրենց նախընտրական տակտիկայով արդեն արագուցեցին, որ կապերը խզել են ղեմովրատիայից¹⁰: Հայտնի է, որ կաղետների մասին Վ. Ի. Լենինը գրել է. «Առաջին դուման բախկանաշափ ցույց տվեց, որ կաղետը չի պայքարում սահարյուրակային վտանգի դեմ, այլ աներևակայելի ստոր ճառեր է ասում միապետի՝ սեհաբյուրակայինների ակնհայտ առաջնորդի, անմեղություն և անպատասխանատվության մասին»¹¹:

Թերթը ժողովրդին կոչ էր անում քվեարկել սոցիալ-դեմոկրատների թեկնածուների օգտին, որպեսզի Դումայում նրանք կազմեն մեծամասնությունը: «Այդ ժամանակ միայն,— նշում էր «Ֆակտին».— Դուման ղեպի իրեն կգրավի ժողովրդական լայն մասսաների համակրանքը և կլինի ոչ միայն համաժողովրդական տրիբունա, այլ նաև կազմակերպող կենտրոն»¹²: Այսինքն, թերթը պահանջում էր Դուման դարձնել հեղափոխություն նտիապատրաստման միջոց, ժողովրդական լայն մասսաներին մեծ մարտի ոգեշնչող հրապարակային ամբիոն: Այդ պահանջը բարձրացրել է Վ. Ի. Լենինը, գրելով. «Մենք կրկին նոր ուժեր կհավաքենք, նոր, է՛լ ավելի ահեղ, վճռական ելույթի համար, երբ ձայն Դումայի խարույկը բորբոքվելով՝ կվերածվի համառոտաստանյան հրդեհի: Պետք է բոլոր ուժերը հավաքել և կենտրոնացնել գալիք վճռական ճակատամարտի համար»¹³: Նույն տեսանկյունից մտտենալով հարցին, թերթը գրում էր. «Առջևում հաղթանակն է, իսկ ներկայում՝ այդ հաղթանակի պահանջման նպատակին ուղղված բոլոր ուժերի լարումը: Մենք գտնվում ենք հեղափոխության մեծազույն գործողության՝ ստեղծարար գործողության, նախորդակին»¹⁴:

Ուշագրավն այն է, որ ուսակցիայի ծանր ժամանակաշրջանում, կատալիստիկայի կազմակերպած խիստ հետապնդումների պայմաններում «Ֆակտին» կարողանում էր ընթերցող լայն հասարակությանը ծանոթացնել բոլշևիկների տակտիկային: Թերթը բացահայտորեն հանդես էր գալիս ժողովրդական լայն մասսաների քաղաքական տակտիկությունը բարձրացնելու, նրանց հեղափոխական ուժերը կազմակերպելու անմիջական կոչերով:

«Ֆակտին» միաժամանակ արձագանքում էր Ռուսաստանում և Անգրկովկասում տեղի ունեցող հեղափոխական շարժումներին: Այսպես, նրանում զետեղված մի շարք հոդվածներ նվիրված են Գուրիայի գյուղացիական շարժումներին: «Անկանախես» ստորագրությամբ տպագրված հոդվածում ցարական բյուրոկրատիայի ներկայացուցիչները համարվում են XX դ. չինգիզ-խաններ, որոնք թալանում ու կողոպտում են ժողովրդին: «XX դարի չինգիզ-խաններն ամբողջ Գուրիան հրի ու սրի մասնեցին,— գրում է հոդվածագիրը,— կողոպտում ու ոչնչացվում էր բնակչության ամբողջ բարիքը»¹⁵: Սակայն, այնուհետև,

⁹ Նույն տեղում:

¹⁰ Նույն տեղում:

¹¹ Վ. Ի. Լենին, ԵԼԺ, հ. 14, էջ 147:

¹² «Факты», 18. II. 1907.

¹³ Վ. Ի. Լենին, ԵԼԺ, հ. 15, էջ 31:

¹⁴ «Факты», 18. II. 1907.

¹⁵ Նույն տեղում:

կարգում ենք հողվածում, գուրիացիները համառորեն դիմադրում են, հավատալով, որ ճշմարտությունն ի վերջո կհաղթանակի: «Նրանք,— շարունակում է թերթը,— լավ գիտեն, որ բյուրոկրատիան իր գործողություններով իր զեմ ադիտացիա է մղում և ավելի մոտեցնում իր անկման պահը»¹⁶:

«Յակոբի» թերթը ֆելիետոն ընդհանուր վերնագրի տակ տպագրում էր քաղաքական թեմաներով հողվածներ, որոնց մեծ մասը պատկանում էր Գ. Սուկուովսկու գրչին: Գուրիայում տեղի ունեցած գյուղացիական շարժումներին նվիրված նրա հողվածն¹⁷ ամբողջովին ներծծված է ժողովրդասիրության, եղբայրասիրության, ինտերնացիոնալիզմի գաղափարներով: Հեղինակը նկատում է, որ Գուրիայում կյանքը դաժանորեն այլակերպել է մարդուն: Գուրիացիներն իրենց սեփական կառավի վրա զգացել են ցարական զենքի ուժն ու բռնակալ ինքնակալության լծի ծանրությունը: Եվ այդ իսկ պատճառով, ինչպես հեղինակն է գրում, ամբողջ Գուրիայում շշուկ անգամ չեք լսի ցարական իշխանության հանդեպ եղած բարեհամբույր վերաբերմունքի մասին, ընդհակառակը, ամենուր շարության ու ատելության խոսքեր են հնչում ռուսական կայսրության հասցեին: Ցարական բյուրոկրատիայի հանդեպ ատելության բաժակն արդեն լցվել է և համադժակ կարելի է ասել, թե «ինչ-որ բան կլինի»:

Գ. Սուկուովսկու մեկ այլ հողվածում¹⁸ բացահայտ քննադատվում է 1861 թ. կտրուկարի 19-ի գյուղացիական ռեֆորմը, որը գյուղացիներին լուրջ ոչ հող, ոչ ազատություն: Մանրամասն հաշվարկների հիման վրա հեղինակը ցույց է տալիս, որ ռեֆորմից հետո գյուղացիները միայն իրենց անձի ազատագրման համար պետք է վճարեին 219 մլն ռուբլի:

«Լոծի լոկաուտը» հողվածում¹⁹ թերթը հավաստում էր, որ խաղաղ ճանապարհով ձեռք բերված ռեֆորմները ոչինչ չեն կարող տալ աշխատավոր ժողովրդին: Ուստի, պրվատում էր տիրող կարգերի տապալման համար ինքնակալության զեմ պայքարի ելած ռազմոչին գործիչների հեղափոխական շարժումը: «Այդ պայքարը,— նշում էր թերթը,— ուղղված էր կառավարության զեմ և մղվում էր կառավարման գոյություն ունեցող կարգերը փոխելու համար»²⁰:

«Յակոբին» տպադրել է նաև գրախոսական հողվածներ: Այսպես, անդրադառնալով Վ. Վելյուխինգի «Մարդկությունն ինչպիսին նա կա և ինչպիսին նա պետք է լինի» աշխատությանը, թերթը հեղինակին քննադատում է այն բանի համար, որ նա նկատի չի ունեցել դասակարգային պայքարը՝ որպես հիմնական միջոց հասարակության վերափոխման գործում²¹:

«Յակոբի» էջերում տեղ է գտել նաև Ռ. Լյուբսեմբուրգի՝ օպորտունիստ է. Բենշտայնի հայացքները քննադատող աշխատության գնահատականը նվիրված հողվածը (հեղինակ՝ Վ. Ալավերդով): «Ռ. Լյուբսեմբուրգի բրոշյուրը,— գրում էր Վ. Ալավերդովը,— բացահայտելով օպորտունիստական աշխարհայեցողության ամբողջ կեղծիքը, միաժամանակ ընթերցողին պողպատե նուրբ է գիտական սոցիալիզմի նախադրյալների ճշմարիտ ըմբռնումը»²²:

«Յակոբին» իր էջերում բարձրացրեց նաև ամնիստիայի հարցը, կառավարությունից պահանջելով ազատել քաղաքական բանտարկյալներին, ռուսական առաջին հեղափոխության ժամանակ բանտարկված ազատագրական պայքարի մարտիկներին:

16 Նույն տեղում:
 17 Նույն տեղում, 4. III. 1907:
 18 Նույն տեղում:
 19 Նույն տեղում:
 20 Նույն տեղում:
 21 Նույն տեղում:
 22 Նույն տեղում, 2. II. 1907:

«Ֆակտի» թերթը որոշ ժամանակ լույս տեսնելուց հետո (պահպանվել են երեք համարները) Երևանի նահանգապետի կարգադրությամբ փակվեց:

Չնայած իր կարճատև գոյությանը, «Ֆակտի» թերթը զգալի դեր կատարեց Երևանի աշխատավոր մասսաների մեջ հեղափոխական դադափարները տարածելու ուղղությամբ և որոշակի հետք թողեց հայ մամուլի և հասարակական մտքի պատմության մեջ:

БОЛЬШЕВИСТСКАЯ ГАЗЕТА «ФАКТЫ»

СИЛЬВА НАЗАРЯН

Резюме

2 февраля 1907 г. Ереванская организация РСДРП начала издавать на русском языке газету под названием «Факты». Официальным редактором был назначен В. Богатырев, фактически же газету редактировал Г. Н. Соколовский.

Во время подготовки выборов второй Государственной думы главной целью газеты являлась пропаганда тактической линии большевиков. На страницах газеты разоблачалась предвыборная агитация кадетов. Газета «Факты» активно откликалась на выступления рабочих против самодержавия, капиталистов и помещиков, взяла курс на развертывание народного революционного движения, на сплочение трудящихся вокруг большевиков.

Несмотря на свое недолгое существование (сохранилось всего три номера), газета «Факты» сыграла заметную роль в идейно-политическом воспитании трудящихся города.